

Մենք յոյս ունենք, որ դուք, որ անձնական և պաշտօնի պատուով երդւել էք հաւատարիմ լինել Անատոլուի և Ռումելիայի պաշտպանութեան կոմիտէին և Ազգ. Մեծ ժողովին, որը ոչ այլ ինչ է եթէ ոչ այդ երկու հիմնարկութիւնների միութիւնը, թող չէք տայ, որ այս դրութիւնը շարունակելի ապագայում էլ: Քիչ է հաւանական, որ Հայաստանը՝ զբաղած լինելով մեր դաշնակից Ազրբէջանի կողմից, ընդունակ լինի յարձակելու ձեր շրջանի վրա: Սալի փաշան, որ գտնուում է թիւրք-ազրբէջանցի-ոռու ուժերի հրամանատարական կազմում, մեզ հանգստացնում է Մոսկուայից՝ հաւաստիացնելով, որ Հայաստանը մեր սահմանների վրա յարձակելու դէպքում սպառնական ուժի կը հանդիպի իր թիկունքում: Հետեւաբար, հարկաւոր է որ ձեր հրամանատարութեան տակ գտնուող և թիւրք բանակի պահեստի մասեր կազմող զորաբաժինները, թողնելով մի դիւրիցիւս հնարաւոր անակնկալների համար, օգոստ. 1-ին մեկնեն յունական ուժերի դէմ և կենտրոնանան ձեզ յայտնի վայրերում: Ձեր չհնազանդելը այս հրամանին շատ անբաղձալի աղբեցութիւն կունենայ յունական ուժերի դէմ վճռական կռի պատրաստուող զինւորների վրա:

Այն նկատումները, որոնցով Դուք հիմնաւորում էք Ձեր անջատ ձգտումները, նկատի առնւած են Ազգային Մեծ ժողովի կողմից: Ձեր առաջարկութիւնը, թէ անհրաժեշտ է որոշ զինւորական շրջանակի մէջ մտցնել ոչ մի կարգապահութեան չենթարկուող աւազակների կազմակերպութեան գործերը, ժողովի կողմից հաւանութիւն է գտած և անհրաժեշտ կարգադրութիւններն այդ ուղղութեամբ արւած են յուլիս 16-ին: Մեծ Ազգային ժողովը վճռեց նոյնպէս, որ Սելահէդդին բէյը մնայ Սըվազի զորաբաժնի հրամանատար:

Այս պատմական վայրկեանին, երբ մենք շրջապատւած ենք վրէժ-խնդիր թշնամիներով, Ձեր վրա է ընկնում դրութեան ծանրութեան պատասխանատուութիւնը: Այդ ծանրութիւնը նմանը չունի պատմութեան մէջ և մեր ամբողջ յոյսը ժողովրդի ինքնապահպանութեան զգացումի վրա է: Ձեր անջատ ձգտումների պաշտպանութեամբ, Դուք բաժան-բաժան կանչէք մեր ուժերը և կարժանանաք ապագայ սերունդների անէծքին:

Քանի որ, Ձեր բացատրութիւնները նկատողութեան առնւած են ժողովի կողմից և մասնանշւած միջոցները կիրառուում են, ես հաւատացած եմ, որ Դուք չպիտի հրաժարէք գործելու մեզ հետ համերաշխութեամբ: Հակառակ պարագային, Ձեր անջատ քայլերը, որոնց արդարացում չկայ, կը դիտւեն իբրև դաւաճանութիւն: Հաղորդում եմ Ձեզ նոյնպէս, որ բարձր հրամանատարութիւնը Ձեզանից սպասում է հեռագրական պատասխան երկու օրւայ ընթացքում:*)

Այնուհետև ի՞նչ անցաւ-դարձաւ Անգորայի և Քեազիմ Կարաբեքիր փաշայի միջև: Այդ մասին պատմում էր Պուլի «Ժուրնալ ԴՕրիան» թերթի Անգորայի թղթակիցը, հոկտ. 19-ի համարում. «Ձեզ հաւանօրէն յայտնի չեն, գրում էր նա, այն պատրաստութիւնները, որոնք նախորդեցին Հայաստանի վրա յարձակում գործելու որոշման:

Էրզրումի 15րդ զորաբաժնի հրամանատար Քեազիմ Կարաբեքիրը սեպտ. 7-ին հասաւ Անգորա: Հետեւել օրը Մուստաֆա Քեմալի նախագահութեամբ գումարեց զինւորական գերագոյն խորհուրդ, որին մասնակցեցին Ահմէդ Ֆէվզի, Մուհէդդին Ալի Ֆուադ, Նիհատ, Նուրէդդին զորավարները և սպայակոյտի պետ Ըսմէթ բէյ:

*) Сводка Развѣд. Отд. Штаба Ком. Войсками Арменіи, 3 сент. 1920 г. № 21 (Приложение).